

道光遵義府志

遵義府志卷九

關梁

水國重津梁山國重關隘二者遵義兼之蓋其地扼黔蜀咽喉連山增盤如肺叟絡緣繁成道四達八會每遇要害卽一夫當之萬人不敢進而延轡溫黜諸水又環貫乎其中並流駛湍急漲縮不時其度處又必值峰脅山尻苟舟橋不治東西家慶弔亦至崖而反安問行者司牧其得以謹關梁爲非所事事乎

遵義縣

關隘

樓山關 在縣北百里方輿紀要萬峰插天中通一線通志

關北卽桐梓界爲白郡入四川重慶要隘征播時蜀將劉綎由此進方輿紀要大樓山上有關曰太平關亦曰樓山關亦曰婁關萬厯中討楊應龍川將至重慶分道而進俱刻期抵樓山關劉綎自綦江進戰九盤入婁關關爲賊前門官軍從間道攀藤魚貫毀柵而入進屯白石口賊遣其黨抄後山奪關四面合圍綎奮擊破走之按明統志亦以太平關在大樓山上通志別列太平關云在城北一百里非

三度關 在縣東一百一十里通志作八十里明統下臨剪

刀溪東卽湄潭界爲自郡往平越思南石阡要隘征播時楚將陳璘由此進方輿紀要府東八十里有上度中度下度三關

上度關 今稱度上關在縣東一百里爲自郡出湄潭要隘方輿紀要湖帥陳璘自湄潭直抵上度關以扼播州應龍之勢愈蹙

黃灘關 在縣東南一百二十里下臨黃灘江

卽湘洪樂

安湄潭四水會成之江爲自郡出袁家渡入餘慶要隘征播時

貴州將李應祥由此進方輿紀要萬厯中李應祥討楊應龍自平越進兵攻四牌乾溪旋水天邦三百落

等塞盡克之長驅直抵疆界河屯袁家渡得降賊爲鄉導潛出小溪直抵黃灘關乘勝追至西平張王垠及三度關

老君關 今名石子岫在縣南八十里兩崖障日一縫中通爲自郡往貴州省治要隘征播時貴州將童元鎮由此進方輿紀要萬厯中童元鎮率水西兵自烏江進攻破老君關應龍揣其必當深入令部兵詭服水西衣甲混入營中內外合發官軍大衄進至烏江斷浮橋官軍溺死無算關蓋在烏江北

烏江關

在縣南一百里

通志作八十里

烏江旁明洪武間

建

志通

懸壁臨水盤折而上口開一罅十里蟻行爲往

省治要隘方輿紀要在府西南又東有河渡關萬厯

中楊應龍敗官軍於烏江旋趨河渡貴州震動旣而

黔帥童元鎮復克烏江關又克河渡關是也

河渡關今名茶山關在縣東南一百里下臨烏江

爲自郡出貴陽開州要隘

崖門關

在縣西北一百里

志通

爲自郡出仁懷往四

川永寧要隘征播時蜀將吳廣由此進方輿紀要萬

厯中川師討楊應龍別將吳廣自合江進兵入崖門

關營水牛塘進屯江水口是也

落濛關

今名樂民城在縣西四十五里下臨樂閭

水爲縣西路要隘征播時水西安疆臣由此進方輿紀要安疆臣討楊應龍由西路沙溪馬站石壁花毛田而進奪落濛關至大水田焚桃溪莊逼近播州賊勢遂窘

鎮南關

在縣西一百六十里下臨渭河西卽黔西

界爲自郡往大定要隘明季水西未平順烏江而下於沙崖鼓樓鎮南底水中澤烏江羊崖茶山板角九隘設守或參將或遊擊行邊防事至

國朝每隘委駐防一員以便塘遞康熙二十年水西平

始裁隘官每隘委管隊一名兵二名以稽察匪類出

入

黑水關 在縣西九十里方輿紀要爲自郡出四川瀘州

及往黔西要隘

大小洪關 在縣西一百四十里通志大洪在西八

十里

木來關 在縣西一百六十里通志交仁懷黔西界關

側有洞廣容萬人

合口關 在縣南一百二十里通志湘洪樂安三水合

流至此入烏江爲自郡往甕安要隘



羊崖關 在縣東南一百一十里下臨黃灘河懸途

萬丈爲自郡出甕安往鎮遠要隘

板角關

在縣東八十里山勢險峻

通志

雞喉關

在縣北五十里路達婁關

南雄關

在縣東南八十里路出甕安

老鴉關

在縣東南一百一十里

擋羊關

在縣西百里路出仁懷

石擋關

在縣北百里又名隘上交綏陽界

小關子

在縣北六十里

馬坎關

在縣西二十里

底水隘 在縣西八十里渭河側西卽黔西界爲自  
郡入黔西間道

中澤隘 在縣西南百里渭河側今名大渡口爲自  
郡出元村沙土入黔西間道

古樓隘 在縣西百六十里交黔西界爲自郡往大  
定要隘

沙崖隘 在縣西百六十里崖門關下地極奇險崖  
北萬峰聳拔中通一道名水源溝尤爲扼要明洪武  
十五年城沙溪以官兵一千土兵二千戍之卽在此  
故九隘惟此最重萬厯四十五年命總鎮張輔周中

軍參將高世用一營崖南一營崖北以防西蓋至要地也

石子隘 在縣北六十里交綏陽界

津梁

烏江渡 在治南一百里志

大塘口渡 在治南百一十里

三腳渡 在治南百一十里一名五龍渡

黃沙渡 在治南百一十里上四渡通修文

茶山渡孫志名 在治南一百一十里陳志舊為私渡

乾隆十八年鄉民張藩董仁等捐改義渡日久弊生

道光四年進士李爲等復增產立案

合口渡

在治南百三十里

孫志治東凡十里

楠木渡

在治南百二十里

響灘渡

在治南百一十里其近又有桅杆背渡上

四渡通開州凡八渡皆在烏江

石牛口渡

在治西南八十里

大渡口渡

在治西南百里

底水渡

在治西八十里

偏崖渡

在治西九十里

老木渡

在治西百里

中渡 在治西百二十里

漫花塘渡 在治西百二十里

馬渡 在治西百二十里

爬崖渡 在治西南百二十里上凡九渡並在渭河

通黔西

戲子灘渡 在治東九十里當湘洪江與樂安水合

流之上

兩合口渡 在治東百里湘洪江與樂安水合處

九黃渡 在治東南百一十里通湄潭

慈竹塘渡 在治南百二十里通甕安二渡皆在黃

難河

麻子埧渡

在治北百里漆溪渡名見陳志

母猪塘渡

在治北七十里

陳志

楊晚村渡

在治北一百里

陳志

萬壽橋

在治東門外孫志名塌水橋遵郡紀事平

播後止有石板平橋名塌水後多頽缺康熙七年文

武官各捐俸更創高橋兩旁建屋集商貯貨初經者

不識有橋也後復圯二十六年吳僧照徹獨力勸募

因舊址而新之名福壽橋又名萬壽橋通志云吳公

橋舊制橋平水面康熙六年水漲傾圯總兵吳之茂

改修高數尺卽此橋也又列趙公橋云在城東門外  
知府趙光榮知縣卽紀重建按東門外舊止此橋吳  
公趙公俱以重建得名通志誤分爲二

附

羅兆珪代陳瑄撰福壽橋記古稱三不朽立功

其一凡利於人者皆功不較事之崇卑也況盛衰  
有無之數所繫重且急哉遵城本穆家川舊地川  
帶城北而東有橋直接東門引外廂之勢屬續於  
城若無橋則內外判隔如人絕吭而不可以呼吸  
也府庠距鳳山峙橋之左水湮漫而徑行特橋以  
聚其氣若無橋則庠與水逆如人侈口而不喻氣

且耗逸無餘矣橋之繫於遵也若此歲戊申舊鎮  
易平礎而增崇遂爲一郡巨觀闐闐聯延氣象萬  
千武甲文元纍纍斯盛甫十有六年而橋毀凡與  
橋俱毀者其驗立覩而毀且五年卒無有復之者  
予乙丑夏蒞遵登城臨流慨焉深念急思更建之  
而營營碌碌且作且置越丁卯吳僧照徹至止毅  
然以爲已任適太守徐公臨郡察郡興革惟橋爲  
巨乃進僧而屬之僧衣鉢尙有餘貲盡出以爲眾  
勸一時官紳士庶嘉僧之志咸踴躍捐勸飭工庀  
材早暮罔輟不三年而橋成視舊宏闊稍加堅緻



逾倍夫然後可以不朽矣僧經理之初或疑之或笑之或忌且謗之僧一切不顧強力誠衷以橋之成爲止蓋以身徇橋以橋爲身專精之至又何難易鉅細之有使任事者譬如僧天下豈有可已之事哉自是井邑增雄雲苞山絡搏扶搖而上者當再破從周之天荒爲利寧有涯乎橋旣得僧肩荷復有賢侯主張於上大帥王公別駕陳公暨各紳士交助其成參軍鄧君則左右以引翼之是皆天時人事和合而有功也予雖竭綿力其何敢尸夫成枉成梁有司事耳公孫叢爾圖存曰不暇給偶

解一驂反來責備今予獲藉手以告無罪不重幸  
歟故爲記橋與遵之相繫以明茲功之所以不朽  
後之蒞遵者尙無忘焉可也並爲銘曰天遣玉龍  
跨城之東飛鳳峙左峩峩頻宮鳳挾龍翔山水互  
雄五年龍僵鳳盼長空龍今復起怒鬣揚風鳳羽  
雲張上摩青穹霞蒸白田嶺蔚花紅於斯萬年維  
龍之功

通遠橋

在治東二里

通志三里

陳明洪武初建

明統志

旁削壁高數仞夏月常漲及壁下總兵侯國弼勒天  
子萬年四字識其處

孫志

今名嗣子橋又名獅子橋

巨濟橋 在治東元大德中建孫按即今城南五里

下塌水橋也平播後此與萬壽舊橋皆以石平水面  
稱上塌水下塌水今惟此名不改無知爲元之巨濟  
矣橋址界兩山間視上流五六丈處已低數尺而橋  
礎復卑每漲離橋面尙數寸度者及中水沸出石面  
已一二尺故往往沒人畜舊於各礎植鐵竿貫索達  
之兩磯備漲時人扶以度相承修補然終不能免溺  
皆址不善之故是期於善因水勢者

豐樂橋 在城南五里咸豐元年建上流距巨濟橋

可十丈許

續纂

解一驂反來責備今予獲藉手以告無罪不重幸  
歟故爲記橋與遵之相繫以明茲功之所以不朽  
後之蒞遵者尙無忘焉可也並爲銘曰天遣玉龍  
跨城之東飛鳳峙左戕我頽宮鳳挾龍翔山水互  
雄五年龍僵鳳盼長空龍今復起怒鬣揚風鳳羽  
雲張上摩青穹霞蒸白田嶺蔚花紅於斯萬年維  
龍之功

通遠橋

在治東二里

通志三里

陳明洪武初建

明統志

旁削壁高數仞夏日常漲及壁下總兵侯國弼勒天  
子萬年四字識其處

孫

今名嗣子橋又名獅子橋

巨濟橋 在治東元大德中建孫按即今城南五里  
下塌水橋也平播後此與萬壽舊橋皆以石平水面  
稱上塌水下塌水今惟此名不改無知爲元之巨濟  
矣橋址界兩山間視上流五六丈處已低數尺而橋  
礎復卑每漲離橋面尙數寸度者及中水湧出石面  
已一二尺故往往沒人畜舊於各礎植鐵竿貫索達  
之兩磯備漲時人扶以度相承修補然終不能免溺  
皆址不善之故是期於善因水勢者

普濟橋

又名後川橋在城北三里

明統志作城東誤

亦名

高橋通志云橋在城東五里別出後川橋沿陳志之

誤橋爲宋楊粲建元楊漢英重修明宏治元年里人

石永安楊忠復修詳崖刻李敬宏撰記嘉靖七年水圯三

十年任恩等重修詳崖刻任恩等記崇禎十四年鄉人陳啟

鳴等復修

會川橋 在城北五里通又名新橋舊在上流支木

以度崇禎十五年里人陳舜道等募修因造時於橋

上獲鹿故名得鹿後于乾隆間貢生張文遂募補更

名得祿道光三年里人募補並建石欄

樂民橋 又名通濟橋在城西四十五里樂閩水所

經明兵備道盧安世建忠國公王祥重修後圯康熙

五年眾募復建有湘水釣叟孔昭民記其略云樂民水爲滇黔孔道楚蜀通津每遇怒濤洄浪行者病涉先方伯盧公創建斯橋條甲辰夏陽侯興波橋石衝毀西鄉士庶欲修未逮適際西土蕩平眾復募修乾隆四十年重建

按昭民記刻在碑陰漫漶多不可讀其陽正中近上大書忠國公王四字下並無文知前此二十年間必經王祥重修後來修者卽就其碑陰刻文耳清水橋在治東四十里兩岸如削三木懸度清康熙熙十年總兵吳之茂始建今橋更名清乘有碑記在

太極洞口略云其地懸崖峭壁向爲橋載板以渡風雨飄搖屢修屢壞近時於上流兩峽之中新建平橋地勢輿隘創建草率且道路崎嶇上下維艱夏秋水泛慘溺歲有茂親至其地詳視勢之所宜仍於古橋基架爲捲橋先疏奏河泊水神然後興工於辛亥仲春廿日告成卽以疏文爲碑

上橋 在清水橋上流四里

鎖江橋 在城東七十里禹門六景之一今名平遠

橋順治初黎懷仁募建道光四年進士黎恂重修

鐵鎖橋 在城東三十里

陳志



綠塘橋

在城東六十里

孫志

車水橋

在城東八十里

杏花橋

在城東二十五里邑主事羅其昌建

添秀橋

在城東三十里

萬春橋

在城東二十五里鄉人陳正梁建

樂豐橋

在城西七十里白蠟坎乾隆四十八年知

府焦爾厚重修有記

長壽橋

在城西四十五里大夫垣乾隆六年建

鴻鴈橋

在城西五十里勝樂間水嘉慶十一年建

其上流五里有金鼓潭橋

長生橋 在城西六十里水白渡乾隆三十二年建

四十年嘉慶八年並重修

永壽橋 在城西六十里鴨溪嘉慶九年建

許陽橋 在城西七十里黎民埧道光十三年建

大黑水橋 在城西百里初本賂姓建嘉慶十年重

修

小黑水橋 在城西百里乾隆五十二年建

永遠橋 在城西百三十里跨鸞花水乾隆四十二

年建

陳家橋 在城西百七十里跨箐口水鄉人陳公巨

建

駱家橋

在城西百七十里跨沙溪黔西人駱某建

二橋當遵黔分界處

太平橋

在城南二里孫志

上盤水橋

在城南十五里乾隆五年舉人羅黃雲

建

中盤水橋

在城南十五里嘉慶十一年建

下盤水橋

在城南十八里

永遠橋

在城南三十里跨深溪水嘉慶十年建

橫江橋

在城南六十里跨橫江水明崇禎八年建

國朝乾隆二十八年嘉慶二年並重修下流五里有廻  
龍橋嘉慶二十四年建

馬家橋 在城南六十里跨合口水嘉慶中鄉人馬  
文燦建

天壽橋 在城南七十里蘆江水道光十四年重建

石馬橋 在城南百里泗水乾隆二十年建

萬福橋 在城南百里米溪嘉慶二十三年建

高壽橋 在城南七十里高溪乾隆八年建其近有

趙公橋長壽橋

九岳灘橋 在城北十里有總兵林桐碑陳道道光元

年鄉人譚備用募建名九如橋十三年復圯於漲其子更捐募重修

三多橋 在城北十五里董公寺嘉慶十年建

通濟橋 在城北三十里通今名椽子橋

大板橋 在城北七十里

小板橋 在城北八十里並通志

菩薩橋 在城北六十五里雙虎溝乾隆二十一年

建

萬順橋 在城北七十里白石口舊為木梁道光元

年改建石

福龍橋 在城北七十里芙蓉水原名五洞武生楊夢筆建道光十八年許光宗重修  
鎮陽橋 在城東北三十五里棘跨厚水原在上里許名觀音橋又名長灘橋後圯乾隆四十八年改建此

北極橋 在城東北三十二里跨仁江又名北岸乾隆四十八年鄉人王廷召倡建舊距此半里有橋卽陳志所載城東三十里之鐵鎖橋也以通觀音橋後二橋俱圯難復建綏陽典史詹英乃捐買田業於厚水仁江會流之下開長灘渡逮後廷召建橋以渡業

作場市爲詹英立祠於場西廷召好爲善家不中資  
倡建時募不足繼以業再圯再建十餘年始寔固而  
家已落橋成二年值大水勢又將圯廷召冒雨立橋  
上呼曰再圯年暮力不及矣願以身殉忽水自左隙  
地過橋得以存廷召女亦稱節孝

報恩橋 在城西南七十里跨瑪瑙水乾隆四十  
一年謝綸建

水坎橋 在城西南七十五里跨螺螄堰乾隆四十  
八年魏宣建

觀音橋 在城西北五十里

正安州

關隘

大關

在城東一百三十里

小關

在城東一百四十里

土城關

在城東一百三十五里並州志孫志士司招

苗守之

龍塘關

在城東八十里

白崖關

在城西二百八十里

老鷹關

在城北十五里並通志東與婺川交界州志

青崖關

在城北一百二十里通志



潞水關

在舊州西門外

州志

石叢關

孫志上五關俱舊設以防播酋

火口關

在城北二百一十里

鴉鵲埧隘

今新州場

趙北渡隘

在城北一百三十里

丁家埧隘

在城北二百一十里

火墨溪隘

在城北二百五十里

晏溪隘

在城東九十里正綏交錯

並州志

津梁

潘源渡

在城東北一百三十里舊州西門外又名

舊城渡向係鄉民陳之善捐田一畝招渡夫郭姓耕食

趙北渡 在城北一百里明萬曆二十八年設其義田一分載糧一錢七分載種一石招渡夫王姓耕食

土城河渡 在城北一百三十里

苦塘渡 在城北二百里

螺螄塘渡 在城東五十里乾隆十八年設其義田在公館坪招渡夫葉姓耕食

米糧渡 在城南四十五里康熙六十年設初渡夫岳姓領熊登高捐田耕食後子孫將田出當嘉慶十

五年知州趙宜霖查勘飭各當戶接買共得價銀二百五十餘兩別置義田於小洲塘載糧一錢九釐載種一石四斗歲收穀二十八石八斗給十四石與渡夫鄭姓食用給十二石與佃戶餘變價收存加別捐銀二十兩之息作每年修補渡船葺渡夫住屋費獨龍塘渡 在城南四十五里乾隆四十一年設渡夫田姓耕食義田

牛渡埧渡 在城南六十里康熙六十年設其義田在牛渡埧招渡夫吳姓耕食

清溪河渡 在城南十五里康熙六十年設原無渡

田厯係杜王陳三姓子孫撐渡免差

羊渡 在城東十五里乾隆四十七年設五十三年募置義田招渡夫陳姓耕食

大魚塘渡 在城東十五里初無渡田渡夫因勒索

行者嘉慶十五年諸生雷萬鍾稟置義渡募買義田

三處一張村載糧二分二釐載種五斗一大魚塘河

西載糧二分一楊家壩載糧七釐招渡夫劉姓耕食

石板渡 在城東十五里康熙五十九年設其義

田在土香臺載糧八分載種四斗招渡夫廖姓耕食

公館壩渡 在城南九十里舊係石橋爲水圯嘉慶

十八年知州趙宜霖設義渡募銀一百兩交鄉約黃姓承領歲繳租穀十石交水口寺僧雇渡夫

萬家塘渡 在城東一百一十里嘉慶十六年鄉人募置義田於苗營填載糧一錢四分載種一石招渡夫田姓耕食

紅花灘渡 在城南七十里乾隆五十年諸生張尊募買賈姓濫池子田招渡夫陳姓耕食嘉慶十七年賈姓霸耕訐訟知州趙宜霖斷令別招渡夫耕種

原渡 在城南三十五里又有白溪渡

角木塘渡 在城北一百六十五里

羊眼渡 在城北一百六十里

梅江渡 在城北一百七十里

三江渡 在城北四十里

毛家塘渡 在城南二十五里

並州志

陳志孫志載有橋溪渡清溪渡辰溪渡札溪渡濯水渡三潮水渡今皆不知舊處

來青橋 在東門外

鳳儀橋 湧濟橋 並在西門外

永安橋 文德橋 並在北門外

並州志

鴻濟橋 在西門外

濯纓橋 州人鄭紹建

白楊橋 州人鄭武建

聯水橋 州人鄭文建

步虛橋 今圯

甘溪橋 州人鄭廷珪建通志在城東八十里

平橋 州人鄭武建

淮溪橋 州人鄭文建

進履橋 州人鄭紹業建

小水寺橋 州人鄭紹勳建

丁家橋 以上十橋並依孫志原載

橘溪橋

在城北十五里乾隆四十五年知州饒九

嶷建

甕溪橋

在城北四十五里乾隆二十四年建飛梁

百尺懸亘兩崖

許溪橋

在城北三里乾隆四十八年知州饒九嶷

建

太平橋

在城北七十里新州場乾隆四十五年建

天生橋

在城北一百八十里

牛渡河橋

在城南七十里

並州志

永濟橋

在真州長官司治南明洪武中建

明統志



桐梓縣

關隘

石炭關

在治東二十里

志

張九關

在治東北二十里

石壺關

在治東北三十里

並孫志賈作五十里

虹關

在治北一百四十里登若升天下若降井雙

貓競立抵綦江界

志

大關

在城南十五里亭上有文筆關三字

小關

在城南二十五里

九盤隘

在大樓北三十里

方輿紀要按九盤在桐梓北

三百里綦江境內

津梁

官渡 去縣半里

黃龍溪渡 治石半里

橋頭溪渡 去治十里

米溪渡 去治二十里

濛渡 去治九十里

清水橋渡 去治一百一十里以上六渡據孫志陳

志原文列之蓋初礪縣時諸津並賴舟楫今皆置橋  
梁矣

孫公橋 在城東里許明萬曆三十八年知府孫敏政知縣萬建侯建長十五丈廣一丈六尺三洞高

丈

師志

國朝乾隆四十八年水壞數礎居人醵金修葺增高三尺有奇上建閣及亭次年閣火惟亭存嘉慶元年知縣韓瞭重修道光九年增修

附萬建侯撰孫公橋碑記城東北二里許有麻柳

灣河爲門庭要津其水春夏潏沔秋冬清淺舊無橋梁聞在逆龍時厲禁商遊者不得入土著者靡敢出以故往來其處若晨星而婁關水蛟方且比

之陷阱誰肯托足今二十八年庚子上震怒逆酋  
犯順勅大軍五路討之不月擣其穴馘首懸兩觀  
裂其土爲郡縣被髮盡入編戶鱗介悉改衣裳而  
巴蜀以南滇黔以北步者馳者負挽者張蓋擁傳  
而宦遊者絡繹不絕而桐遂爲渝南一孔道第河  
水清淺凌冰沍寒脛涉猶可言至潏沔澎湃波平  
山麓又無尾閭可洩止藉一葫蘆洞吞之經旬不  
消望之疑海使星停車憇馬沐雨櫛風居無宿飽  
盡枵腹翹首望糴於水之涸也侯於丁未秋來官  
目擊此境爲木杙以濟一日我公乘軒過謂侯曰

嘻此八月槎耳爲日計則可倘霍霍越三日陽侯作崇是木且泛泛若鷗歸於鳥有安所藉以濟人何不磊石爲一勞永遠之計且我輩當官無非愛民如以利民之具而復待之民是反裘負薪也卽空慕衆擎易舉止是築舍道謀何時紀功尙其身任之不計俸薪靳於工竣而止我觀爾亦勤劬急民者不妨捐半載俸以佐之於是鑿雲根涸龍池鍾琢之聲響谷飛臚之光凝脂督以千總官張其業而又監以縣尉鄒守宏肅志高工始自三十七年夏至三十八年仲冬落成廣十有五丈袤十六

尺有奇洞三口跨兩河而鎖四水屹然稱天外奇  
觀諸父老因相與謀而告侯曰此一道長虹足吞  
楊酋八百年氣魄然費出不貲鎔鍊不動之公帑  
粒米不取之民間俸捐自公而若棄利歸於民而  
若忘吾儕老於此地所勸見者是不可以記乎侯  
曰未也此特公之多爰者耳書曰若濟巨川用汝  
作舟楫韓子曰某不得爲宰相願爲諫官不得爲  
諫官願爲守令公蓋以舟楫材姑試之於三輔者  
故公守播四稔不啻痼癰切身修廢舉墜二千石  
盡爲播用如大士有宮北帝有觀猶謂勸獐獠之

鄉以緇衣爲念而宣殿鬢宮崔嵬壯麗俾播人於  
章甫縫掖被菁莪化誨無窮寧惟是一橋以志不  
朽毋乃隘視公歟公必讓不受父老曰全播皆公  
子若孫其被德同頌德亦必同吾第以記吾桐之  
不忘公耳侯曰未也是猶以蠡測百谷王也若輩  
不習見躡蛄豹鯢草偃風恬乎咆哮蹲踞負子渡  
河乎妖僧就縶喜事者氣短活千百人之命乎芒  
屨輒應而石燕飛獷豕牯牛而崔苻靖乎五風十  
雨而穰穰滿家汚邪滿車乎俱伊誰之賜也公之  
覆冒播廣且大矣而又奚拘拘一橋以見德父老

曰善哉君侯之論吾儕小人止據現在以爲恩今始知天地之大蓋熙恬於公之德而不自知也雖然不知不識至忘帝力極矣而華封之祝猶至今傳吾儕德公深公卽自忘吾儕不能忘橋不足以盡公德亦公所以寄德橋記不足以頌德亦聊以志吾思且令牂柯人士過橋門環而誦之世世知聖天子西南半壁有重臣如公猶勝雲中守峴山石多矣侯首領之曰噫嘻哉德之大人一遽至此三代不易民而治政謂此惟我公之不自德而後乃知公之德益大惟我民之必報德而後知公之



德益深應感都忘幾於無懷葛天之民矣孰是新  
造而乏爰秉且公卽日以異等超遷去會難畱矣  
代公守者其毋謂夜郎不可以中國治治也今圯  
上有赤幟在侯因附語父老以勒之貞砥公諱敏  
政號淡巖興國人登萬厯乙酉鄉進士

天生橋

卽天橋

在城東五里魁崖山後高百餘丈神

工險絕

蒙渡橋

在城北九十里舊傳卽漢唐蒙發卒治道

處爲黔蜀要道昔無橋

國朝康熙五十七年知府趙光榮捐俸建因名趙公普

渡橋並通志

溱溪橋在城東北五里孫按今圯

惠涉橋在治南半里官渡河即康熙中僧實行募

修長十七碇後屢修皆圯道光六年知縣朱德璩勸

募重修

楚米橋在城北二十五里

普濟橋在城北六十里新站並卽志

清水橋去城百一十里

國公橋在城南二十里舉人金曰琯建並賈今名

橋頭

永慶橋

在松坎嘉慶初知縣吳敬森募建

德生橋

在爬抓溪道光十七年知縣陳鰲募建

鐵索橋

在城東十五里龍會場

大橋

在城南門外

南門橋

在城外道光十九年重修

硃沙河橋

在城南一里道光十九年增修

馬鞍山橋

在城南五里道光十八年建

釣魚臺橋

在城南二十里雍正元年建乾隆四十

八年重修後圯嘉慶二十二年復建深潭峻澗下臨

數十丈有舉人曾廣涵碑記

大木林橋 在城南十里

紅花園橋 在城南十五里

太平橋 在太平場

流沙橋 在城北四百里長不逾丈常積沙尺餘若

夜掃盡明日復然

綏陽縣

關隘

九杵關 梓縣志作杵

在治東三十里通婆川

板角關 角縣志作關

在治南七十里通湄潭思石

石卯關 在治東三十五里通正安南川

朗山關

在治西二十五里通郡城桐梓

風坎關

在治北二十里

並孫志

苦竹關

在治東九十里交湄潭界

桑木關

在治東北二十里通正安

龍洞關

在治東北六十五里通正安婺川

並縣志

津梁

長灘渡

在治西

孫志在遵義縣下

通郡城

國朝康熙間典史詹瑛捐置渡田召募渡夫刻碑署內

通按渡在城西五十里又名詹公渡為遵義綏陽交

界今其地建鎮陽北極兩橋渡已廢

附詹公渡碑記  
綏距遵界四十里限以雙流值春  
夏汜湍不獨行人苦之卽公檄紛馳疾於星火亦  
不能不阻於馮夷也舊時設有舟子雖募之自公  
實取直於民相沿爲例匪伊朝夕庚寅歲

皇恩軫念邊末一切弊規滌除殆盡夫民旣安於無徭官亦  
徒嗟婦巧蓋舟橫野渡者經年也縣尉詹公目擊  
時艱不嫌越俎引爲身任思垂之久遠捐清俸率  
士民共勸有成置渡所田畝載種三斗五升載糧  
三錢六分四釐七毫代辦自官故載之遵圖彼操  
舟者旣獲其租必恆其業不但民不病涉亦且永

不病民其利不既溥歟夫文正義莊猶相傳以爲盛事不過澤及一鄉一族耳不數傳而阡陌頓改未若以田代濟千秋百世邑之人被之四方之人咸被之是詹公之德與洪流而俱長也因易其名曰詹公渡不沒其所自並以告後之賢父母其田坐落遵邑永安里十甲母猪口三面抵桃源洞一面抵河爲界康熙五十五年丙申此文乾隆五十七年迴龍寺僧重刊唐椿渡口源委記縣西五十里有長灘河東流入遵義縣界與永十甲母猪口河合爲往府要津國初遵義鎮吳之茂建橋二座一在長灘石磴架

木名觀音橋一在銅鼓塘鐵環乘板名鐵索橋後  
因溪流奔迅二橋俱圯往來苦之綏民因於母猪  
口合流處設舟以渡船料工食皆出里民康熙四  
十九年奉革差徭綏捕廳詹瑛於康熙五十一年  
捐銀二十三兩買附近民陳天祿田以作渡夫工  
食載糧三錢六分四釐七毫卽於遵義冊內改立  
綏捕廳詹瑛名載冊輸賦於渡口暨廻龍寺兩處  
立有碑記乃陳天祿充役應渡日夙弊生將渡田  
私當搬逃前縣黃公以田糧渡日費屬遵轄移商  
遵令以船隻田畝旣在綏辦則錢糧遵應認納毋



偏累綏本縣蒞任於雍正七年九月內復詳奉本  
府蘇批飭遵令查照往例措辦渡田糧錢以資利  
涉在卷嗣招耿士良應渡旋以田被天祿私當養  
贍不敷逃去雍正十一年查出田畝另招段維燦  
爲天祿欺獲田禾復託交謝應鳳時當耕插天祿  
又糾同東林寺僧如賢司差楊文武冒爲常住闔  
分阻不容耕拘僧審責各取甘結在卷因係正綏  
往府要道關係非輕雖案牘可稽恐繁疊難閱爰  
撮其由記之以便覽焉縣志典史詹瑛於遵義縣  
永十甲毋豬口捐置渡田載糧三錢六分零係遵

義上納乾隆三年署縣江石臺因地屬遵義船係  
綏修每遇船壞修造無資查出公項銀六兩交則  
里甲長承領生息永爲修船公費

渡頭河 在城北三十五里自綏陽往正安要津

附唐椿渡頭河記旺五甲椒溪溝有渡頭河爲正  
綏孔道春夏設舟以渡秋冬架木爲橋往來稱便  
渡夫工食及構橋之費各有田土一在旺二甲下  
村地名石卯關大小乾濕田二十四坵載糧倉石  
一石二斗其田由雞公堰水灌溉一在旺八甲石  
水村地名茅臺中田大小二坵載糧倉石八斗水

自趙元朝田接二處共田十畝坡地七十畝經本縣查勘造印冊存案並給渡夫收執耕管橋田二十三畝坐落河邊原付寺僧管理水源自黃排洞開溝引灌碑誌有年非他姓之田皆可仰沫而承流也乾隆二年偶值天旱該僧照應契溝不獲黃排洞水遂爲魚戶蔣琳截取誘夥該僧於架橋之下別築車堰以救田不思木橋原就淺處以便行人乃場圃旣登畱堰蓄水以取魚利經行橋上者旣虞蹉跌亦病淪胥雨雪寒風厲民尤甚屢有心者之殷憂切歎久矣今據士民等公呈到縣當卽

拘喚該僧究責將堰立毀嗣後悉遵古制橋用寬  
厚板片田水仍黃排洞護溝引灌並取蔣琳無得  
截水甘結更不許於橋下築堰再為臨淵之羨審  
畢書讞附卷士民猶恐日久弊生準錄讞語勒石  
垂永以資利涉俾後人有所省覽以是為前車之  
鑒云

上渡下渡 孫志載今不知其處

永濟橋 在城西十五里通遵義孫志載今名黃魚橋長

十五丈五尺廣一丈七尺高三丈嘉慶十年重建

通遠橋 在城西三十里縣志西二十里通遵義孫志載陳志

名廻龍橋今名翠家橋又名石灘橋

繼恩橋

孫陳二志並作小溪橋

在城西十五里

孫志在城南六里

明

崇禎三年丁文燦建

附

繼恩橋碑記略螺江中有小溪爲正綏達郡通

津春夏驚濤拍岸星軺行旅徘徊移日秋冬里人  
又歲苦徒輿之役辛酉歲先慈命爲橋以濟櫓槍  
作孽用是中輟甲子先慈見背猶遺言令無忘年  
來戎馬在郊曾無寧晷今歲已巳得金邑侯撫字  
心勞鴻雁悉安疆場稍靜無烽燧之虞於是鳩工  
伐石繼先慈之志因名曰繼恩橋庶無負母氏初

心且示後世子孫顧名思義敢曰利濟哉橋高一丈三尺長二丈六尺廣一丈初始天啟之元成於崇禎三年建橋人丁張氏男文燦文明文耀

大溝橋

在城東十里嘉慶中建

大平橋

在城東小關嘉慶十五年余文約建

天生橋

在城南二十里孫志

永清橋

在城南十里通鄭場明知縣王建中建

大通橋

孫志

在城南門外明知縣詹淑建

國朝雍正九年圯知縣唐椿重建

東橋

在城西二里

吳家橋 在城西三里

西橋 在城西南

香逕橋 在城西北

續宗橋 在鄭場並縣志

馬桑木橋 在城西螺水中一大木橫水面圍四尺

五寸不知其自來水漂亦不動相傳昔有欲伐之者

方舉斧雷電忽作至今斧跡尚存通志圍五六尺

長三丈通往來數千年物也

石龍橋 在城西橋石紋皆作龍鱗橋宛然全龍也

傳昔石龍曾與城中一古廟泥龍鬥人釘泥龍怪以

息

仁懷縣

關隘

關門固

在城南二十里嶢嶢聳翠平列一十七峰

皆高出雲表一夫守之千人坐廢爲入郡第一險隘

縣志按國府治龍脉所經

蛇皮箐

前明川兵入播經此路僅容一人行縣廳

交界最險處也

縣志

紅圈子

在赤水里與合江大槽支交界山梁長里

許懸崖數十丈中植石筍一高二三十丈往合江臨



逕也

長灘隘

在赤水岸上路經半崖入合江極險處

津梁

米糧渡

在城西二百餘里通永寧富水落可褰裳

而濟及水

斗至條高百尺時時溺人知縣盧文起始

置渡代涉

二郎渡

在城西北百八十里今名早穀灘渡

五老灘渡

在城西北二百里

大魚塘渡

在二郎里三渡皆在漆溪路通土城

大灘渡

在赤水里距城四百里

官渡塘渡 在赤水里距城四百二十里二渡通合

江

浴泉橋 在城南十五里前屢建屢圯乾隆三十五年知縣陳于璉募建縣志卽鹽津橋兩山夾之泉聲泐泐流入赤水野花雜樹交映其間一勝境也

附陳于璉撰浴橋記生界鹽井河者縣屬之極東處也崇山夾峙洪谷奔流往來行人必經乎此當夫旱涸之際僅一衣帶水且量厥淺深或厲或揭猶不爲涉者病第其勢處極下雨集輒盈洪濤巨浪莫可嚮邇則不啻漢之廣江之永也遠者裹糧

以俟近者望涯而返折蘆無術鮮不嘆其廢時而失事矣余蒞任來公事驅馳曾數至其地心最悉之久欲捐資成梁爲行旅之便乃詢之里人僉云曩昔有舊橋與圯莫考惟中蓮花石上頽基略存兩岸廣闊工不解結構前任史公就今之濟處造建平橋水性烈激不踰年而蕩然嗣是楊公仍藉蓮花石架木支板覆以瓦屋可無衝決之患而又毀於祖龍若是乎此橋之不易成且難以厯久而無慮也遷延數載殊爲悵然戊寅冬適黔匠過里以修橋營生邑人士素悉余志因乞疏募修余從

其請及諏日鳩工復有畏難就易之議余力斥之  
高下規模不移舊橋遺址約費五百餘金越庚寅  
秋告成嗟乎徒杠輿梁王政所重况茲橋者利攸  
往便公私其爲功甚大利甚溥哉余職司民牧囊  
澀力綿弗克獨肩盛舉而聚腋成裘是亦與人爲  
善之微意歟至河名鹽井不識奚所取義而去橋  
不數武有浴泉焉遂以名其橋云

五老橋

在城東北三百里五老河通桐梓

縣志

永濟橋

在螞蟥溝距城十五里

萬壽橋

在吳馬口距城七十里

篤睦橋 在長沙觜距城五百里當鰓水合赤水處  
生生橋 在趙渡河距城五十里通黔西邑民孟起  
鳳屢建始成甚壯固知府平翰名之

百歲橋 在罐子口安羅里民婦趙羅氏百歲時捐  
建故名氏壽百有五歲